

Script of Evening Gojri News Bulletin 13 July 2024 at 1700 Hrs

ايوننگ گو جری نیوز بلیٹن مورخہ 13 جولائی 2024

یوہ آکا شوانی جموں بے عبدالرحمان تے محمد سفیر تیں خبر سنو۔ پہلاں خاص خاص خبر۔

* 1۔ وزیر اعظم نریندر مو دی 29 مہینی مانہ ہزار کروڑ تیں متی لاگت غا کئی ترقیاتی پروجیکٹاں غو آغاز تے نیں پتھر رکھیں گا۔

* 2۔ امرناتھ یا ترا غے چلتیں اس وقت تک 2 لکھ 80 ہزار تیں متا یا تریاں نے امرناتھ گفہ مانہ حاضری دتی ہے۔ اور 45 سو ہور یا تری جموں تیں امرناتھ یا ترا واسطے روانہ ہو گیا ہیں۔

* 3۔ وزیر داخلہ امت شاہ نے متحرک گراں پروگرام یعنی وائبرینٹ ولیج پروگرام گا نفاذ غو جائزولین غی کاظر اعلیٰ سطحی میٹنگ غی صدارت کی۔

* 4۔ تے چیف سیکریٹری نے جشن آزادی با رے انتظامات غو جائزولین۔

خبراں غی تفصیل نال پہلاں عبید الرحمان۔

PM Mumbai

وزیر اعظم نریندر مو دی اج مہاراشٹر ممبئی غو دورو کریں گا گورے گاؤں مانہ 29 ہزار 4 سو کروڑ روپیہ تیں زیا دہ گا سڑک ریلوے تے بندرگاہاں غا شعبہ متعلق کئی پروجیکٹاں غو نی پتھر رکھ غے قوم غے ناں وقف کریں گا۔ واضع رہ جے شام ویلے وزیر اعظم انڈین نیوز سروس سیکریٹریٹ یعنی بھارتی خبررساں خدمات سیکریٹریٹ جا غے آئی این ایس ٹاور غو وی افتتاح کریں گا۔

Amarnath Yatra

شری امرناتھ یا ترا غے چلتیں گذشتہ 14 دناں غے اندر تقریباً 2 لکھ 80 ہزار عقیدت منداں نے جنوبی کشمیر غا اننت ناگ ضلع مانہ امرناتھ گفہ مانہ حاضری دتی ہے۔ اس سلسلہ مانہ اج جموں غا بھگوتی نگر بنیادی کیمپ تیں 45 سو عقیدت منداں ور مشتمل 16 واں جتھا نے ننواں، پہلگام تے بالتال، سونمرگ غو سفر شروع کیو۔ ذریعاں غے مطابق گذشتہ روز 1 ہزار 30 عقیدت منداں نے برفانی شیو لنگم غا درشن کیا ہیں۔ اس غے نال ہی 29 جون تیں شروع ہوئی اس یا ترا مانہ 2 لکھ 80 ہزار 7 سو 28 عقیدت منداں نے امرناتھ گفہ مانہ حاضری دتی ہے۔ جموں غا بھگوتی نگر بنیادی کیمپ تیں 183 گڈیاں مانہ 4 ہزار 6 سو 69 عقیدت منداں نے امرناتھ یا ترا واسطے سفر شروع کیو ہے۔ جس مانہ 3 ہزار 4 سو 18 مرد، 1 ہزار 1 سو 30 خواتین، 23 بچہ، 96 سادھو تے 2 سادھوی شامل ہیں۔ 52 دناں غی یاہ یا ترا 19 اگست مانہ رکشا بندھن تہوار ور اختتام پزیر ہو جائیگی۔

Income Tax Collection

محکمہ آمدنی ٹیکس نے مالی سال 25/2024 مانہ برائے راست ٹیکس غا طور ور 6 لکھ 45 ہزار کروڑ روپیہ جمع کیا ہیں اور رواں مہینہ غی 11 تاریخ تک 70 ہزار 9 سو 2 کروڑ روپیہ غی رقم ادا کر دتی ہے۔ مذکورہ محکمہ غی طرفوں جاری اعدادو شمار مانہ دسیو کیو ہے جے مجموعی طور ور 2 لکھ 65 ہزار 3 سو 36 کا رپورٹ ٹیکس، 3 لکھ 61 ہزار 8 سو 62 کروڑ روپیہ ذاتی انکم ٹیکس اور 1 ہزار 4 سو کروڑ روپیہ غا دیگر ٹیکس شامل

ہیں۔ واضح رہے کہ خالص برائے راست ٹیکس غی وصولی مانہ تقریباً 20 فیصد نمایاں اضافہ ریکارڈ کیو گیو ہے۔ جہیزو 5 لکھ 74 ہزار کروڑ روپیاں توں متو ہے۔

Ladakh Kargil Vijay Diwas

لداخ مانہ کرگل وجئے دیوس غی رجت جینتی غی عظیم الشان تقریب مانہ بھارتی فوج نے کرگل ہیلی پیڈ مانہ ”اپنی فوج کو جا نہیں“ پروگرام غی میزبانی کی اس موقع ور فوج نے مہتھیاراں تے دیگر آلات غی شاندار نمائش کی۔ اس موقع ور 8 ویں پہاڑی ڈویژن غی کمان غا جنرل میجر جنرل سچن ملک مہمان خصوصی تھا اور ان غے ہمراہ 121 انفنٹری برگیڈ غا برگیڈیر پرائیک پراشار تے دیگر فوجی افسر وی موجو دتھا۔ اس موقع ور ڈگری کالج کرگل، ڈگری کالج زنسکار غے علا وہ اسکولی طلباء اور این سی سی دستاں نے بڑا جوش و خروش نال حصو لیو۔ اس موقع ور فوجی گڈیاں غا تجربات تے دل کش گرم ہوا غا غباراں غی سواریاں نے نوجواناں نانہ محضوظ کیو۔ مذکورہ نمائشی پروگرام نے کامیابی نال تعلیم، تفریح تے الہام نانہ جوڑیو۔ جس غے ذریعے حصو لین آلا طلباء تے دیگر لوکاں ور دیر تک مثبت اثر رہ گو۔

Army Camp

سرحدی علاقہ قان غی نوجوان لڑکیاں نانہ باختیار بنان واسطے اک اہم پیش رفت غے دوران بھارتی فوج نے جموں غا اکھنور علاقہ مانہ رائفل تے پستول غا 7 روزہ تربیتی کیمپ غو انعقاد کیو۔ اس کیمپ غا اختتام ور لڑکیاں نے عمدہ نشانہ بازی تے خود یقینی غو مظاہرہ کیو۔ مہارا ضلع غا نمائندہ نال گل کرتاں واں اس مقابلہ مانہ حصو لین آلی اک لڑکی نے اس طرح کہیو۔۔۔بانٹ۔۔۔

Accident Doda

ضلع ڈوڈہ مانہ اج اک سڑک حادثہ مانہ 2 افراد موقع ور رجاں بحق تے 17 دیگر زخمی ہو گیا ہیں۔ مہارا ضلع نمائندہ فیاض پامپوری غے مطابق یوہ حادثہ گندوہ ٹھاٹھری سڑک ور اج سویرے پیش آبو جد اک منی بس جس مانہ 19 مسافر سوار تھا ملک پو راہ گندوہ غا مقام ور حادثہ غو شکار ہو گئی۔ حادثہ مانہ زخمی ہوا افراد نانہ علاج معالجہ واسطے سرکار ی میڈیکل کالج ڈوڈہ مانہ داخل کیو گیو ہے۔

یہ خبر تم آکا شوانی جموں تیں سن ریا ہیں خبراں غا باقی حصہ نال عبیداررحمان۔

Shah Vibrant Village

مرکزی وزیر داخلہ امت شاہ نے اج نوی دہلی مانہ اعلیٰ سطحی میٹنگ غی صدارت کر غے متحرک دیہی پروگرام غی عمل آوری غو جائزو لیو۔ میٹنگ غے دوران جناب شاہ نے کہیو کہ وزیر اعظم نریندرمو دی غی سربراہی مانہ سرکار سرحدی علاقہ قان غی مجموعی ترقی غو عزم رکھے۔ انہاں نے اس گل ور زور پایو کہ مقامی نوجواناں نانہ روزگار غا موقع فراہم کرنا چاہیے۔ اور سرحدی علاقہ قان غے اندر سڑک رابطاں نانہ بہتر بناو چاہیے۔ تانجے دیہی سرحدی علاقہ قان تیں لوگ ہجرت نہ کریں۔ جناب شاہ نے کہیو کہ سرحدی گرانیاں ور فوج نانہ امداد باہمی غے ذریعے نرعی تے ہتھ کھڈی آلی اشیاء خریدنی چاہیے اور فوجی کیمپاں غے نیڑے بسن آلا افراد نانہ طبی سہولیات فراہم کرائی جانی چاہیے۔ اس میٹنگ مانہ داخلہ سیکریٹری تیں علا وہ کئی دیگر اعلیٰ عہدیدار وی موجود تھا۔ واضح رہے کہ متحرک

دیہی پروگرام مرکزی سرکار غی اک سکیم بے جس مانہ اروناچل پر دیش، ہماچل پر دیش، سکیم، اٹراکھنڈ تے لداخ غا 19 اضلاع غا 46 گراں منتخب کیا گیا ہیں۔ اور اس پروگرام غو بنیا دی مقصد دیہی علاقہ اندر عوامی گزر بسر نانہ بہتر بنان اور سرحدی علاقہ تیں لوکاں غی ہجرت نانہ روکنو بے۔ اس تیں علا وہ ذرعی ترقی، سیاحت و ثقافت اور ہنر ترقی ور خصوصی توجہ وی اس سکیم مانہ شامل ہیں۔

CS Independent Day

چیف سیکریٹری اتل ڈلو نے گذشتہ روز یوٹی غے اندر یوم آزادی تقریب غا تناظر مانہ کیا گیا انتظامات غو جانزو لیو۔ سول انتظامیہ تے پولیس محکمہ غا اعلیٰ افسران نال میٹنگ غے دوران موصوف نے ثقافتی سرگرمیاں نانہ باندو دین اور یوم آزادی غی قومی تقریب ور پیش کرن غو کہیو بے۔ اس سلسلہ مانہ 29 جولائی تیں فل ڈریس مشق کرائی جا نیں گی تا نجے 77 واں یوم آزادی نانہ جو ش و خروش نال منایو جائے۔

Ramban PMAY

پردہان منتری آواس یوجنا غے تحت سرکار غریب تے بے گھر لوکاں نانہ محفوظ تے آرام دہ گھر مہیا کرا رہی بے۔ ضلع رام بن غے اندر وی انتظامیہ دیہی علاقہ اندر اس سکیم غی کامیاب عمل آوری نانہ یقینی بنا رہی بے۔ پی ایم جے اے وائی اسکیم غے تحت محکمہ بی پی ایل زمرہ گا کُنباں نانہ 1 لکھ 30 ہزار روپیہ غی مالی مددکر رہیو بے۔ یاہ رقم مستفید افراد غا بینک کھاتہ مانہ 4 قسطن مانہ واگذار کی جا ئے گی۔ اس وقت تک ضلع رام بن غے اندر 35 ہزار 6 سو 2 افراد غا بینک کھاتہ مانہ 50/50 ہزار روپیاں غی پہلی قسط پائی گئی بے۔ ہر بدھواریں ضلع غے اندر بلاک دیوس پروگرام غے تحت بیداری پروگرام منعقد کرایا جا رہیا ہیں اور عوام نانہ پی ایم جے اے وائی اسکیم غے متعلق جانکاری دتی جا رہی بے۔ اس سکیم تیں مستفید ہوا اک فرد نے اس طرح کہیو۔ بائٹ۔

BJP Emergency

بی جے پی نے حذب اختلاف رہنماواں غا ایمرجنسی غے تیں رویہ غی سخت مزمت کی بے۔ نویں دہلی مانہ پریس کانفرنس مانہ بولتاں واں پارٹی گا سننیر ترجمان ڈاکٹر سدھانشو ترویدی نے الزام لایو جے جد تیں سرکار نے ”آئینی ہتھیہ تہاڑا“ غا منان غو اعلان کیو بے تہ تیں وے لوک جہیڑا آئین غی حفاظت غو دعویٰ کری تہا بے چینی محسوس کر رہیا ہیں۔ انہاں نے کہیو جے ایمرجنسی اک سیاح باب تہو جس دوران کانگریس نے جمہوریت غی روح غی ہتھیہ کی تھی بلکہ انساناں غا عام بنیا دی حقوق غے نال نال عدلیہ غا کم کاج ور وی روک لائی تھی۔

World Population Day

عالمی عام آبا دی غا موقعہ ور بھارتیہ فوج نے پونچھ، راجوری تے ریا سی ضلع غے اندر لیکچر غو انعقاد کرایو۔ اس دوران کنبہ غی منصوبہ بندی جنسی برابری، غربت تیں چھٹکارو تے انسانی حقوق ورتبادلہ خیال کیو گیو۔ اس موقعہ ور آبا دی، بدھن نال درپیش للکاراں تے وسائل غا صحیح استعمال ور وی گل بات کی گئی۔ فوج غی طرفوں اس طرز غا پروگراماں نال دیہی علاقہ غا نوجواناں نانہ ماندہ ملکی آبا دی نال جڑن غا موقعہ میسر آویں۔

Medical Camp

ضلع صحت سوسائٹی پونچھ نے سمائل ٹرین کلیفٹ مرکز نوپورہ سرینگر غا سانجھا تال
میل نال اک روزہ بیداری کیمپ غو انعقاد کیو۔ ڈی سی پونچھ یسین چودھری نے اس کیمپ
غو افتتاح کیو۔ اس کیمپ غو بنیا دی مقصد بچاں غا معزور پن غا اعلاج تے اُن غی زندگی
نائہ بہتر بنان خاطر موثر اقدامات کیا جانا تھا۔

اس غے نال ہی خبراں غو یوہ بلیٹن ختم ہوؤ۔